



Broj: 01/1-02-SL/19

Ilijaš, 22.08.2019. godine

PREDMET: Odgovor na vijećničku inicijativu, dostavlja se.-

Na 32. sjednici Općinskog vijeća Ilijaš, održanoj dana 28.06.2019. godine vijećnik Almir Špiodić pokrenuo je slijedeću inicijativu:

- Pokrećem inicijativu ispred grupe građana MZ Podlugovi ulice Polomska, Žrtava genocida u Srebrenici, Moševačke, naselja Vratuša, Makljen, naselje Obala, Sovrle I i Sovrle II za izgradnju podzemnog prolaza za pješake ispod željezničke pruge od željezničke stanice u Podlugovima do ul.Žrtava genocida u Srebrenici.

Obrazloženje: Podsjećam Vas da je grupa građana MZ Podlugovi – ulica Polomska, Žrtava genocida u Srebrenici, Moševačke, naselja Vratuša, Makljen, naselje Obala, Sovrle I i Sovrle II od dana 11.04.2019. godine do 15.04.2019. godine, nakon nesretnog slučaja smrti učenika SŠC "Nedžad Ibrišimović" u Ilijašu, Ramić Belmina, koji je smrtno stradao na jednom od parkiranih vagona na Željezničkoj stanici u Podlugovima odlučila da pokrene inicijativu za izgradnju podzemnog prolaza za pješake ispod željezničke pruge u Podlugovima, sa ulice Žrtava genocida u Srebrenici prema autobuskoj stanici Podlugovi.

Tokom prikupljanja potpisa za pokretanje inicijative za izgradnju podzemnog prolaza ispod željezničke pruge, građani su izrazili visok stepen nezadovoljstva i straha kako za sebe tako i za svoju djecu oko prelaska željezničke pruge u Podlugovima.

Radi lakšeg razumijevanja ovog problema, želimo napomenuti da oko 3000 građana MZ Podlugovi, odnosno ovih ulica i naselja, najmanje dva puta u jednom danu prelazi prugu u oba smjera tj. iz ulice Žrtava genocida u Srebrenici prema autobuskoj stanici i obrnuto. Prilikom prelaska skoro svakog dana na jednom ili dva željeznička kolosjeka stalno je parkirano više od 25 teretnih vagona, oko 15 vagona zatvorenih cisterni sa gorivom, te svakodnevno u oba smjera prolaze vozovi u redvonom režimu saobraćaja. Zbog duge kolone parkiranih vagona i cisterni, građani ovih ulica i naselja prinuđeni su prelaziti preko platformi vagona ili se provlačiti ispod vagona koji su parkirani na željezničkoj stanici. Zbog nepostojanja obezbjeđenog prolaza u dužini od cca 50 m ispod ili iznad pruge, građani su primorani da se izlažu riziku kretanja preko željezničkih kolosjeka ili da pješake 3-5 kilometara kako bi došli do ambulante, autobuske stanice, tržnih centara itd. sa jedne strane željezničke pruge i do OŠ "Podlugovi" sa druge strane pruge. Kada građani i djeca prelaze vagone ili se provlače ispod, istim nije siguran prolaz zbog pomicanja tih kompozicija u momentu prelaska, kao i to da te parkirane cisterne, koje su uvijek bez nadzora radnika Željezničke stanice, mogu biti trenutna opasnost kako zbog goriva koje je u njima, tako i zbog električne energije, tj. visokog strujnog napona, koji je u gore pomenutom slučaju izazvao gubljenje/smrť jednog mladog života.

Pored gore navedenog, želimo naglasiti da učenici OŠ "Podlugovi" iz MZ Ljubnići i Lješevu takođe koriste obostrani prelazak preko željezničke pruge, tako da se i oni susreću sa ovim problemima prilikom dolaska i odlaska iz škole. Svim građanim i učenicima koji koriste javni prevoz iz Podlugova u pravcu Ilijaša i Sarajeva, takođe je otežan dolazak na autobusku stanicu Podlugovi, kao i odlazak u Ambulantu Podlugovi, te u prodavnice, ogrjev, apoteke i druge objekte koji se nalaze u ulici Moševačka. Dana 15.04.2019. godine u 18:30 h, u prostorijama JU OŠ "Podlugovi" održan je sastanak Vijeća roditelja koji su takođe svojim potpisima podržali ovu inicijativu za izgradnju podzemnog prolaza za pješake ispod željezničke pruge u Podlugovima.

U ranijem periodu Vijeća roditelja OŠ "Podlugovi" je upozoravalo na ovaj problem nadležne u

općini Ilijaš, PU Ilijaš i menadžment Željeznica F BiH, ali se do sada, iz nama nepoznatih razloga, nije našlo adekvatno rješenje za ovaj problem, tj. problem prelaska građana i djece preko željezničke pruge.

Na kraju ove inicijative želimo najiskrenije zamoliti, kolegij Općinskog vijeća Ilijaš da u konsultaciji sa općinskim načelnikom i općinskim službama ovu inicijativu preimenuju u Zaključak i dostave ga na narednoj sjednici u materijalima na usvajanje, shodno Poslovniku Općinskog vijeća koji glasi:

Da se odmah pokrene zakonska procedura rješavanja podzemnog prolaza za pješake ispod željezničke pruge u Podlugovima, a to podrazumjeva izmjene i dopune Regulacionog plana Podlugovi I ako istim nije predviđen prolaz ispod pruge na pomenutoj lokaciji, pribavljanje određenih saglasnosti, izrada projekta itd.

Također, tražim od nadležne općinske službe da ovu inicijativu, sa prikupljenim potpisima, uputi na sve relevantne adrese, odnosno institucije koje bi mogle pomoći rješavanju ovog problema:

1. Vlada Federacije BiH,
2. Federalnom ministarstvu prometa i komunikacija,
3. Ministarstvu prostornog uređenja Kantona Sarajevo,
4. Ministarstvu saobraćaja Kantona Sarajevo,
5. Direkciji za ceste Kantona Sarajevo,
6. Vladi i Skupštini Kantona Sarajevo
7. Općinska Služba prostornog uređenja i zaštitu okoliša
8. Drugim institucijama koje bi mogle finansijski pomoći u izgradnji ovog podzemnog prolaza, jer građani MZ Podlugovi znaju da općina Ilijaš možda trenutno nije u mogućnosti sama finansirati izgradnju podzemnog prolaza ispod željezničke pruge.

U prilogu dostavljam potpise građana MZ Podlugovi.

ODGOVOR:

Kolegij Općinskog vijeća Ilijaš ne vrši konsultacije sa općinskim načelnikom i općinskim službama po pitanju vijećničkih inicijativa, koje je potrebno preimenovati u Zaključak, obzirom da je u odredbama člana 171. stav (2) Poslovnika Općinskog vijeća Ilijaš ("Službene novine Kantona Sarajevo", br. 2/10,18/15 i 7/19), propisano sljedeće: "Općinsko vijeće može odlučiti većinom glasova izabranih vijećnika da inicijativa pojedinog vijećnika, postane zaključkom Općinskog vijeća, ukoliko podnesena inicijativa ne zahtjeva dodatna finansijska sredstva i provođenje određenih procedura, a ukoliko zahtjeva, o istoj treba da se očituje općinski načelnik koji će sačiniti informaciju i pismeno dostaviti, u pravilu, na narednoj sjednici Općinskog vijeća"

Nadalje, želimo naglasiti da Stručna služba općinskog vijeća i općinskog načelnika, poslije svake održane redovne sjednice Općinskog vijeća Ilijaš, dostavlja u pisanoj formi vijećnička pitanja i inicijative svim službama Jedinštenog općinskog organ uprave na upoznavanje i dalje postupanje.

S poštovanjem,

Dostavljeno:

1. Vijećnicima OV-a Ilijaš x 25 i
2. a/a.

Kolegij OV-a Ilijaš

U/I: 126. Ilijaške brigade br. 6. 71380 Ilijaš

Tel: ++387 33 580-620, 580-698, fax: 400-505.

Transakcijski račun kod VAKUFSKE BANKE, d.d. Sarajevo: 1602000006710545

e-mail ov@ilijas.ba certifikat: CRO20083Q

